



金澤古書目録卷之二

五部

五部

五部

五部

五部

五部

五部

五部

五部

五部

五部

金湯借箸目錄卷之二

清野部 有引

清五穀

總論

陳俊絕賊食

李牧急入收保
趙犨徙糧入城

寇準瘞穀

劉子羽預徙梁洋之積

劉惟輔焚熙河積粟

于謙運通州糧

清水泉

總引

長孫晟毒水

毒藥

又方

萬般毒

清芻草

太宗勅燒薊秋草

劉錡毒草

秦人毒涇

劉錡毒頰

毒水方

毒酒方

劉仁恭焚草

夏元昊赭地

于謙

清竹木

總引

清硝磺鉛鐵

總引

清油蠟

總引

清屋宇

劉錡焚城外民居數千家

卷之二

趙立撤廢屋

种師道詰李邦彥

清什物

總引

清地面

總引

金湯借箸目錄卷之二終

金湯借箸卷之二

京口 周

鑑臺公甫

輯著

淮南

李長科小有甫

較訂

同郡

王孟申元嶽甫

叅閱

清野部

兵法曰軍無糧食則亡。從來賊無輜重。擄掠
爲資。彼已先犯。兵家大忌矣。譬如嬰兒。斷其
乳哺。立可餓殺。若借兵賫糧。無具甚矣。輯清
野。

清五穀

總論

凡賊將至。城外各鄉鎮大戶。收米在家。與夫糶
糶待價者。着落里保。一聞警報。催運入城。任民
開糶堆積。止許城中糶賣。不許粒米出城。其搬
運難盡者。嚴督糧長。糶買上倉。賊見四野無糧。
豈能四五十里外。搶別縣之飯食。攻我縣之城
池哉。如不肯預期搬運。致資盜糧者。米入官爲
守城兵夫用。

予在皖時史中丞方司馬商清野事俱以愚
民不從為憂予曰小民所以不從者皆上官
失處置之宜也必先曲體其不得已之情而
後行吾必不可貸之法野旦夕清矣何難之
有公曰何故曰小民雖愚非不知賫盜之為
害也然而屢令不從者其弊有二一繇城中
積貯無所蓋鄉民生于鄉長于鄉城內略無
立錫之地其忍輸而暴露之乎一繇私疑官
府難測恐不免於假名賒借不為已有此所

如此處置
豈有不樂
從者

以寧死不從也。必先料理在城無礙官地。聽其告佃。以為倉廩。或官地不足。時勢急迫。則將本城僧衆道衆。編成什伍。各令居住。一二寺觀其餘庵院。除正殿奉祀神佛外。令鄉民各照米數多少。領房園積此外。再與空屋二間。一居其男。一居其婦。既令得避兵火。又令得便典守。官與憑照。不得諸人爭執。候事平之日。仍還本主。如有不肖有司。巧借備賑等名。白取一粒者。定行叅劾。親與指誓。天目剖

心示不相欺民有不樂從者乎此外如有一
二頑梗悍不從令登時梟首以警其餘先體
民情後盡王法不數日間米盡入城矣又本
民所積之米多少官不得問糴糶官不得問
惟禁出城仍聽與民貿易以通有無蓋鄉民得以米易
錢則鄉民便城民得以錢易米則城民便且
以在城之米而糴於在城之人則囊漏貯中
之說也公稱善

方司馬復語予曰君之策則善矣然吾鄉有

易清者有難清者如附郭坦道則易清者也
若天堂陳漢龍井關水吼嶺金鍾潭等處去
城既遠羊腸鳥道不便出粟爲之奈何予笑
曰吾既不便出賊亦不便入矣如此等處卽
應指授方略俾本處百姓各據險要立砦固
守凡事但當因時制宜若因一二不便疑沮
大事豈丈夫作略耶

李牧急入收保

李牧趙北邊良將也嘗居代鴈門備匈奴爲約

清野之效

曰匈奴卽入盜急入收保匈奴終歲無所得

陳俊絕賊食

東漢光武繫諸部連破之乘勝輕進反爲所敗
陳俊曰賊無輜重若絕其食可不戰而殄也光
武遣俊將輕騎馳入賊前視人堡壁堅完者敕
令固守放散在野者因掠取之賊至無所得遂
散敗

清野之效

周臺公曰光武以命世之雄戰賊不足陳俊
以一將之智破賊有餘中其要害故也

趙犇徙糧入城

黃巢使其驍將孟楷將萬人擊蔡州。陳州刺史趙犇謂將佐曰：「巢不死，長安必東走，陳不可不爲之備。」乃完城塹，繕甲兵，積芻粟六十里之內。民家有資糧者，悉徙之入城。多募勇士，使子弟分將之。楷旣下蔡州，果移兵攻陳。犇襲擊之，斬楷，殺獲殆盡。巢聞之，怒，營于州北，立宮室百司，爲持久之計。時民間無積聚，賊掠人爲糧，生投之碓，磔併骨肉食之。置春磨寨，縱兵四掠，數十

州咸被其毒攻圍三百日終以糧乏解去

寇準瘞穀

澶淵之役寇準檄令州縣堅壁鄉村入保金幣自隨穀不徙者隨在瘞藏

劉子羽預徙梁洋之積

宋劉子羽守蜀聞有金兵預徙梁洋之積至金人深入而饋餉不繼乃殺馬及兩河軍士以食疫癘大作乃引還子羽追襲其後金人墮澗死者不可勝計餘兵悉降故雖入三郡而得不償

失也。

劉惟輔焚熙河積粟

金人掠熙河。劉惟輔擊敗之。殺五千餘人。已而復至。惟輔顧熙河尚有積粟。恐金人因之以守。急出焚之。

于謙運通州糧

土木之難。虜乘勢長驅而南。于謙曰。通州倉欲守守之。或不能。委以與虜。則可惜。宜令官軍皆給一歲祿。奉聽其自運。仍以贏米爲之。直通倉。

三退將百里每退必楮其地契丹馬無所食因
許之和元昊遷延以老之度其馬饑士疲因進
兵急攻契丹主大敗從數騎走還

于謙

土木之難虜乘勢長驅而南于謙曰虜所急者
草諸厥宜聽軍稱力取之不則盡焚之毋以飽
虜馬

周臺公曰兵法有云奪其所恃則聽矣賊恃
馬以為強馬恃草以為命斷草則馬失其命

賊失其強制之易矣

丘瓊山先生曰自古國都於其近郊必有牧馬之所其間必積芻豆以為飼餼之具方無事時資以牧育固為近便然世道不能常泰而意外之變不可不先為之慮金人犯宋京姦人導之屯兵於其近郊之牟駝岡藉其芻豆飼其馬以為久駐之計此往事之明鑒也矧燕都去遶伊邇已已之變倉卒用言者計焚棄芻豆何啻千萬當時見者莫不悔惜然

事已即休勿復有以為言者竊惟都城東北
鄭壩村二十四馬房其倉場所儲積者如京
如抵抵請於無事時即其地築為一城以圍護
其積聚及移附近倉塲咸積其中就將騰驤
等四衛官署軍營設於其中特敕武臣一員
於此守鎮仍司羣牧四衛官軍不妨照舊輪
班內直下直回城屯住是亦先事而備之一
策也

清竹水

總引

竹木行貨多負郭。若不移徙。皆賊攻城之具。須令各商將已登岸者。速運入城開賣。其在水各排。移百里外。隱僻小港中。暫置。以待賊過復業。如違。入官公用。

清硝磺鉛鐵

總引

硝磺鉛鐵火器之用。關係匪輕。不可棄以資敵。客販冶坊。多在城外。須先查鋪行及冶坊姓名。

遇有警報着該地方保甲押催硝磺鉛鐵搬運
入城聽從開賣違者治以與賊交通之罪其貨
沒官公用保甲不報一體問究如有公用照時
價將銀見買

清油蠟

總引

油燭守城之要務不可缺乏須查城外一應油
行販鋪仰保甲于有警之日押民依期搬運菜
油豈油柏油桐油麻油白蠟等項入城聽從開

賣如有公用。照時價見銀交易。仍督官挨查。不依期搬入者。連總甲枷號。其油入官。

清屋字

劉錡焚城外民居數千家

宋劉錡守順昌。城外有民居數千家。錡悉焚之。若今人便嚙指無此胸襟膽力矣。

趙立撤廢屋

金撻懶圍楚州急。趙立命撤廢屋。城下燃火池。壯士持長矛以待。金人登城。鉤取投火中。金人

選死士突入又搏殺之乃稍引退

种師道詰李邦彥

金人南下种師道入援既至帝命師道于政事堂
共議師道詰李邦彥曰聞城外居民悉為賊殺
掠畜產甚多亦為賊有當時既聞賊來何不悉
令城外居民撤去屋舍移其所畜盡入城中乃
遽閉門以遺賊資何也和彥曰倉卒不暇及此
師道笑曰亦太慌忙耳左右皆笑

邦彥可咲
者甚多甚多

李小有曰胡子延為予言光州之破非賊攻

而破之也。不過逼勒本地村民數十人。予以酒食。潜伏近城屋內。暗行挖掘。城以此陷。緣近城房屋。半係鄉紳之業。堅執不從焚燬。致使封疆失守。生民塗炭。每為髮指。恨不得按三尺而問之。

王元嶽曰。賊遠則居民不服。賊近則撤毀不及。競綖之道。惟得其宜可也。

清什物

總引

以上數款。不過略舉其大者言之耳。四關百姓。一聞警報。入城避兵。一切私財器具。如木石銅鐵磚瓦。芟芻糗糧畜牧等類。盡徙入城。徙不逮者。焚之。勿留一件。徒為賊資。且借為攻城具也。清地面。

總引

壕外里許。皆宜曠野。若有村落。則敵得據而與我守持。有臺塔。則敵得登而瞰我虛實。有豐草溝渠。則敵可隱匿。有大樹竹木。則敵可資為攻。

具且砍樹數株倒倚城上可以緣登又橫担池中
可以涉水須禁絕之

金湯借箸目錄卷之三

險要部有引

據險

王平議據興執

張仁愿築三受降城

郭元振置和戎城白亭軍

种世衡城故寬州

劉子羽保四川

吳玠保和尚原

釣魚山

設險

順安軍

滄州

馬燧引晉決汾

孟珙障沮漳之水

孟宗政潞水

余闕三塹

失險

成安君不守井陘之險

諸葛瞻不守東馬之險

慕容超不守大峴之險

梁武帝不守采石之險

宋不守關之險

宋不守河之險

宋不守獨松關

周德威不守渝關之險

金湯借箸目錄卷之三終

卷之三



金湯借箸卷之三

京口 周

鑑臺公甫

輯著

淮南

李長科小有甫

較訂

同郡

王孟申元嶽甫

叅閱

險要部

守者非特守於城也。必按境內山川形勝。何處可扼要。令重兵屯守。何處可分據。令偏師犄角。何處可伏兵挫其先鋒。何處可游兵絕其糧道。以戰為守。則守固不可遽閉城隅。自

投絕路。晁家令言：「兵事一曰得地形，輯險要，據險可以爲法。」

王平議據興執

曹爽發卒十餘萬人，自駱口入漢中。漢中守兵不滿三萬，諸將皆恐，欲守城不出，以待涪兵。王平曰：「漢中去涪垂千里，賊若得關，便爲深禍。今宜先遣劉護軍據興執，平爲後拒。若賊分向黃金平，帥千人下自臨之。此爾間，涪軍亦至此。計之上也。」諸將皆疑，惟護軍劉敏與平意同，遂帥

所領據興執多張旗幟彌亘百餘里爽兵距興
執不得進關中及氐羌轉輸不能供牛馬騾驢
多死民夷號泣道路涪軍及費禕兵繼至太傅
懿與夏侯玄書曰昔武皇帝再入漢中幾至大
敗君所知也今興執至險蜀已先據若進不獲
戰退見邀絕覆軍必矣將何以任其責玄懼言
於爽引軍還費禕進據三嶺以截爽爽爭險苦
戰僅乃得過失亡其衆關中為之虛耗

張仁愿築三受降城

張仁愿為方朔總管朔方軍與突厥以河為界。北厓有拂雲祠。突厥每犯邊。必先謁祠禱鮮。然後料兵度而南。時默啜悉兵西擊突騎施。仁愿請乘虛奪取漠南地。於北河築三受降城。絕虜南寇路。唐休璟以為兩漢以來皆北守河。今築城虜腹中。終為所有。仁愿固請。中宗從之。六旬而三城就。拂雲為中城。南直朔方。西城南直靈武。東城南直榆林。三壘相距各四百餘里。其北皆大磧也。斥地三百里而遠。又于牛頭朝那山。

北置烽堠千三百所自是突厥不敢度山畋牧
減鎮兵數萬

郭元振置和戎城白亭軍

唐郭元振為涼州都督初州境輪廣繞四百里
虜來必薄城下元振始於南硤口置和戎城北
磧置白亭軍制束要路遂拓境千五百里自是
州無虜憂

种世衡城故寬州

种世衡為鄜州從事夏戎犯延安世衡以延安

東北二百里。有故寬州。請因廢壘而城之。以當寇衝。左可致河東之粟。右可固安延之勢。北可圖延綏銀夏之舊。有是三利。朝廷從之。

劉子羽保四川

張浚敗于富平。退保興州。人情大震。官屬有建策徙治夔州者。劉子羽叱之曰。孺子可斬也。四川全盛。敵欲入寇久矣。直以川口有鐵山棧道之險。未敢遽窺耳。今不堅守。縱使深入。而吾僻處夔峽。遂與關中聲援不相聞。進退失計。悔將

何及今幸敵方肆掠未逼近郡宣司當留駐興
州外繫關中之望內安全蜀之心急遣官屬出
關呼召諸將收集散亡分布險隘堅壁固壘觀
釁而動庶幾可補前愆奈何復為此言乎浚然
子羽言子羽即單騎至秦州召諸亡將時諸亡
將不知宣司所在及聞命大喜悉以其衆來會
凡十餘萬人軍勢復振子羽命吳玠聚兵扼險
子鳳翔大散關東之和尚原以斷敵來路關師
古等聚熙河兵于岷州大潭孫偓賈世方等聚

涇原鳳翔兵于階成鳳三州以固蜀口金人知
有備引去

吳玠保和尚原

張浚合五路兵與金戰于富平軍遂大潰五路
皆陷巴蜀大震玠收散卒與弟璘保散關東和
尚原積粟繕兵列柵為死守計或謂玠宜退屯
漢中扼蜀口以安人心玠曰我保此敵決不敢
越我而進是所以保蜀也金將烏魯折合來攻
玠命諸將堅陣待之更戰迭休山谷路狹多石

馬不能行。金人舍馬步戰，遂大敗遁去。

釣魚山

余玠帥蜀，築招賢館、播州冉氏兄弟瑱、璞有文
武才，詣府上謁。玠賓館之，奉甚厚。居數月，兄弟
終日不言。惟對踞，目望畫地爲山川城池之形。
旬日，請見屏人曰：「某兄弟辱明公禮遇，有以少
補，非敢同衆人也。爲今日西蜀計，其在徙合州
城乎？」玠不覺躍起，執其手曰：「此玠志也，但未得
其所耳。」對曰：「蜀口地形之勢，莫若釣魚山。請徙。」

諸此若任得其人積粟以守之賢於十萬師遠矣玠大喜築十餘城皆因山爲壘碁布星屯列兵聚糧於是如臂使指氣勢聯絡蜀始可守設險可以爲法

順安軍

宋太宗時以陳恕爲河北東路招置營田使大興河北營田先是雄州東際於海多積水戎人患之不敢繇此路人寇順安軍至北平二百里地平廣無隔闕每歲胡騎多繇此而人議者謂

宜度地形高下因水陸之便建阡陌浚溝洫益
樹五穀所以實邊廩而限戎馬故遣恕往經營
之

滄州

滄州北舊多設陷馬坑城下起樓為斥堠望十
里允則曰南北既講和矣安用此為命撤樓夷
坑為諸軍蔬園浚井疏洫列畦隴築短垣縱橫
其中植以荊棘而其地益阻隘因治坊巷徙浮
圖北原上州民旦夕登望三十里下令安撫司

所治境有隙地。悉種榆。久之。榆滿塞下。顧謂僚佐曰。此步兵之地。不利騎戰。豈獨資屋材邪。

馬燧引晉決汾

唐馬燧鎮太原。呂晉陽王業所起。度都城東西平易。受敵時。邊數有警。乃引晉水注城東。瀦為池。寇至。計省守陴者萬人。又決汾水環城。多為池。治植柳固堤。

孟珙障沮漳之水

宋孟珙鎮江陵。初至。登城周覽。嘆曰。江陵所恃。

三海不知沮洳有變爲桑田者今自城以東古
嶺先峰直至三汭無所限隔敵一鳴鞭即至城
外乃修復內隘十一處別作十隘於外有距城
數十里者沮漳之水舊自城西入江因障而東
之俾遶城北入于漢而三海遂通為一隨其高
下為匱蓄泄三百里間渺然巨浸

孟宗政濬水

宋孟宗政知棗陽以金人迫濠而陣易于馳騁
乃于西北濠外濬水爲濶以限騎

余闕三塹

元余闕守安慶。抵官十日而寇至。乃浚隍。增陴。隍外環以深塹。三重。南引江水注之。時羣盜環布。四外闕居其中。左提右挈。屹為江淮一保障。失險。可以為戒。

成安君不守井陘之險

漢韓信張耳以兵擊趙。李左軍說成安君曰。漢將韓信乘勝而去。國遠。聞其鋒不可當。今井陘之道。車不得方軌。騎不得成列。行數百里。其勢

糧食必在其後。願足下假臣奇兵三萬人，從間路絕其輜重，足下深溝高壘，勿與戰。彼前不得闖，退不得還。吾奇兵絕其後，野無所掠，不至十日。兩將之頭可致戲下。願君留意臣之計。否則為二子所擒矣。成安君不聽。信使間密視，知其不用，乃敢引兵遂下，大破虜趙軍，斬成安君泜水上。

諸葛瞻不守東馬之險

蜀諸葛瞻督諸軍拒鄧艾至涪，停住不進。黃崇

屢勸瞻宜速行據險。無令敵得入平地。瞻猶豫未納。宗再三言之。至於流涕。瞻不能從。鄧艾遂長驅而前。破瞻斬之。成都守。

慕容超不守大峴之險

南燕主慕容超大掠淮北。劉裕抗表伐之。超引羣臣會議。公孫五樓曰。吳兵輕果。利在速戰。不可爭鋒。宜據大峴。使不得入。曠日延時。阻其銳氣。然後徐簡精騎。循海而南。絕其糧道。別勅段暉帥兗州之衆。緣山東下。腹背擊之。此上策也。

若縱賊入峴出城逆戰非勝算矣。超曰：今歲星居齊，以天道推之，不戰自克。不如縱使入峴，以精騎蹂之。桂林王鎮曰：陛下必以騎兵利平地者，宜出峴逆戰，戰而不勝，猶可退守。不宜縱敵入峴，自貽窘迫。昔成安不守井陘之險，終屈於韓信；諸葛瞻不拘東馬之險，卒擒於鄧艾。臣以為天時不如地利，阻守大峴，策之上也。超不聽。裕過大峴，燕兵不出。裕舉手指天，喜形于色。遂平廣固，送超詣建康，斬之，而南燕滅。

梁王不守采石之險

侯景詐稱出獵攻歷陽太守莊鐵以城降因說
景曰國家承平歲久人不習戰聞大王舉兵內
外震駭宜乘此際速據建康可兵不血刃而成
大功若使朝廷徐得為備遣羸兵千人直據采
石雖有精甲百萬不得濟矣景以鐵爲道引兵
臨江梁王問策於尚書羊侃羊侃請以二千人
急據采石令邵陵王襲取壽陽使景進不得前
退失巢穴烏合之衆自然瓦解朱异曰景必無

渡江之志遂寢其議景聞之喜曰吾事辦矣乃
濟江建康大駭景軍乘勝至闕下

宋不守關之險

粘沒喝分兵趨汴京平陽府叛卒導金兵入南
北關粘沒喝嘆曰關險如此而使過之南朝
無人矣進屯澤州

呂中曰取燕而不知取三關之險守京城而
不知守關河之險此虜所以嘆無人也

宋不守河之險

金幹滴不陷相濬二州。時梁方平帥禁旅屯于河北岸。金將迪古補奄至。方平奔潰。河南守橋者望見金兵旗幟。燒橋而遁。官軍在河南者無一人禦敵。金人遂取小舟以濟。凡五日。騎兵方絕。步兵猶未渡也。旋度旋行。無復隊伍。金人笑曰。南朝可謂無人。若以一二千人守河。我豈得渡哉。遂陷滑州。

宋不守獨松關

兀朮自廣德過獨松關。見無戍者。謂其下曰。南

朝若以羸兵數百守此吾豈能遽度哉遂犯臨安

周德威不守渝關之險

初幽州北七百里有渝關下有渝水通海自關東北循海有道道狹處纔數尺旁皆亂山高峻不可越北至進牛口舊置八防禦軍募土兵守之田租皆供軍食不入於薊幽州歲致繒纊以供戰士衣每歲早獲清野堅壁以待契丹契丹至輒閉壁不戰俟其去選驍勇據隘邀之契丹

常失利走。土兵皆自爲田園力戰。有功則賜勲。加賞。繇是契不敢輕入寇。及周德威爲盧龍節度使。恃勇不修邊備。遂失渝關之險。契丹每芻牧於營平之間。

周臺公曰。地形者。兵之助也。料敵制勝。計險阨遠近者。上將之道也。頃奴酋震鄰。程九屏祖臺與予議。扼江爲守。萬里長城在此言矣。視丸泥封門者。豈啻徑庭哉。

金湯借箸卷之三終

金湯借箸目錄卷之四

選練部 有引

選鋒

臥彪

突將

練銳

馬燧教騎

高崇文練卒

練射

捕盜將

選兵議

李抱真教步



李悝練射

种世衡

課射議

武弁射

武士射

文士射

考試射

近射法

攢射法

練方向

總引

練耳專聽金鼓練目專視旌旗

總論

練心

總論

金湯借箸目錄卷之四終

卷之四

金湯借箸卷之四

京口

周

鑑臺公甫

輯著

淮南

李長科小有甫

較訂

同郡

王孟申元嶽甫

叅閱

選練部

孫子曰。兵無選鋒。曰北。吳子曰。一軍之中。必有虎賁之士。力輕扛鼎。足輕戎馬。搴旗取將。必有能者。若此之等。選而別之。愛而貴之。是謂軍命。則鋒宜選矣。法曰。無制之兵。有能之

將不可勝也。有制之兵，無能之將，不可敗也。

則練當精矣。輯選練

選鋒

古選鋒制勝者甚衆。今止取切城守者。餘不

臥彪

北魏李崇深沉有將略。在壽春十年，常養壯士數千人。寇賊侵邊，所向摧破。號曰臥彪。

捕盜將

唐山東道節度使徐商，以封疆險濶，素多盜賊。選精兵數百人，別置營訓練，號捕盜將。及湖南

逐帥詔商討之。商遣捕盜將二百人平之。

突將

蠻寇將至西川。刺史楊慶復募驍勇之士。補以實職。厚給糧賜。應募者雲集。慶復列兵械于庭。使之各試所能。兩兩角勝。察其勇怯。而進退之。得選兵三千人。號曰突將。蠻合梯衝四面攻。成都。慶復帥突將出戰。殺傷蠻二千餘人。會暮。焚其攻具三千餘物而還。蜀人素怯。其突將新為慶復所獎拔。且利於厚賞。勇氣自倍。其不得出。

者皆憤鬱求奮

選兵議

今日之所講求者選將而已竟未有言及選兵者夫已練之兵尚欲汰其弱而初選之卒反不求其精可乎然選兵之法未見有灼然可行者今之選兵者或專取豐偉或專取武藝或專取力大或專取伶俐此不可以為準何則豐大而膽不克則緩急之際脂重不能疾趨反為肉累此豐偉不可恃也藝精而膽不克則臨事怕死

手足倉卒至有倒執矢戈先衆而走此藝精不
可恃也伶俐而膽不充則未陣之先預思自全
之路臨事之際既欲先奔復以利害恐人爲已
避罪之地此伶俐不可恃也力大而膽不充則
臨時足輟眼花呼之不聞推之不動是力大不
可恃也是以選兵者必以膽為主練膽之術在
信賞必罰而罰爲尤重夫使將權可殺人也士
卒之畏將甚於畏敵也進未必死退必不生則
士卒之膽固有不習而壯者說在蘇老泉之諫

論也。今有三人焉：一人勇，一人怯，一人勇怯半。有與之臨事淵谷者，且告曰：「能跳而越焉，其勇怯半者與怯者則不能也。」又告之曰：「跳而越者與千金，不然則否。」彼勇怯半者，奔利必跳而越焉。其怯者猶未能也。須臾顧見猛虎，暴然迫逼，則怯者不待告跳而越之，如康莊矣。然則人豈有勇怯哉？要在以勢驅之耳。嗟乎！明於此喻者，可以知練膽矣。夫使大將登壇，懸數萬金以待而士卒亂行者，立斬數人。吾雖懦，猶能驅市人。

而戰之。今將領手中無一錢而治軍罪止於貫耳。不有千金猛虎。彼怯者肯越淵谷乎。然而練膽之說。施之於少年則易。施之中年者難。郭都督成與曾一本戰而馘之也。試問衝鋒陷陣者誰則皆左右諸少年。度其年不過二十上下而已。蓋少年氣銳。不知死活。易於鼓舞。是以用壯不如用少。然則今之選兵。以身形長大。及以頑石試之者。其不足以盡人。亦明矣。

李小有曰。軀幹豐偉。武藝精通。力大伶俐。而

兼有膽氣者上也。必不可得，則寧取膽耳。

練銳

馬燧教騎

唐馬燧為河東節度使。河東乘百井之敗，騎士
單弱。燧悉召牧馬廝役教之。數月皆為精騎。

李抱真教步

唐李抱真兼澤潞節度副使。抱真策山東有變，
澤潞兵所走集，乃籍戶三丁得一壯者，蠲其徭
租，給弓矢。令間月得曹偶習射。歲終大較，親按

籍第能否賞貴比三年皆爲精兵舉所部得成
卒二萬故天下稱昭義步兵爲諸軍冠云

高崇文練卒

唐高崇文屯長武練卒五千常如寇至

練射

李愬練射

李愬爲魏文侯上郡之守而欲人之善射也乃
下令曰人之有狐疑之訟者令之射的中之者
勝不中者負令下而人皆疾習射日夜不休及

與秦人戰大敗之

种世衡

宋种世衡在青澗教吏民習射雖僧道婦人亦教之以銀為射的中者與之既而中者益多其銀輕重如故而的漸厚且小矣或爭徭役輕重亦使之射射中者得優處有過失亦使之射射中則釋之繇是人人皆能射夏戎不敢犯

課射議

弓矢軍中之長技也近奉功令習者固多而穿

揚落鵬之能寥寥未見綠文盛武衰卽介冑之
子高者虛慕敦說卑者亦剽襲帖括與諸文士
逐隊以馳而反置弓矢於不問一旦有事安能
得橫槊賦詩磨盾草檄者而用之此巧力之所
以鮮也今合查文武官生使之盡奮於弧矢是
亦建威銷患之長策也況天不降康四方多故
騎射萬不容已釐為四條如左

武弁射

指揮千百戶等官每遇院臺入境出巡官評冊

揭其應薦獎戒。大都不盡在弓矢。是以繩文官
之法。繩武弁也。夫武弁之放浪不簡。有玷廉守
者。自應懲戒。而武技尤其本等。其職業之修不
修。一較射而知之矣。今議每月各武弁俱赴演
武場較射一次。如遇院臺按部。應報冊揭內。卽
以屢次之不中箭者。盡行開報。與放浪不簡者
同戒。卽有素行應戒者。倘能射中多。亦得宥免。
則諸弁知所重在射。必殫力習學。而精射者衆
矣。

武士射

武生主之以武學教授有官有士亦旣濟濟一
黌矣文學生員有歲考科考季考月考不一而
足而武生何獨不然今議亦如課文士法武學
教官每月十日一次課其弓矢分別等第報縣
報府府縣亦以季考文士法季一試之分別高
下報之上臺上臺亦每年發檄一考分別等第
以行賞罰有能挽強命中百不虛發者不次擢
用諸民間子弟有能射者另冊送考取入武學

某縣若干名以備訓練其荒廢考居下等者亦
行學黜退則諸生知所取在射亦必殫力習學
而精射者必多矣

文士射

古有鄉射今天下儒學皆設有射圃其故可思
也乃諸士子惟工鞞悅竟不知弧矢為何物卽
射圃亦鞠為茂草矣無乃非立法初意乎今議
每季府縣官亦以季考法親閱一次分別等第
出案激賞其巧力俱全發輒破的者破格優禮

以首肯老儒
而督趾高氣
揚之諸生可
奈何

而不習者薄待之。每年終查各學習射多寡而
教官官評亦卽於此分優劣。如是而教官必率
其士子以競力於射矣。

考試射

生員歲考科考分別六等。童生考試入學皆品
評其文義。而諸生童亦皆以工拙自安者也。乃
每當府縣考試前後求續取或告考者。纍纍不
可勝數焉。夫生童之欲得者名耳。今議於未取
童生再廣收以考射之法。有能射多中者。府縣

各於原案外盡行拔取另造一冊送道收考其
文義稍通者一例拔取入學以示鼓舞夫前之
武生是專以弓射進者也此之童生是以文義
兼弓矢進者也才既不同故入學各別若生員
之考優等不願射者無論矣其三等以下至六
等發案後有自稱能射及冊報屢能命中者提
學再面試之果能於八十步外中七八九矢者
不妨破格拔等以示文武並重之意如是而諸
生亦無不人人自相率以競力於射矣

推而廣之。民間晏會。即以射箭賭酒。猶勝於
行令。遊食無賴。即以射箭賭錢。猶勝於樗蒲。
有犯罪當罰者。即以射箭多寡減等。犯罪當
責者。即以射箭中否減數。即於尋常遊戲間。
學得一救命之方。有事可以禦外患。無事可
以消內憂。盜賊不敢生心。奸細聞之達遁。有
利無害。曷不舉而行之。

近射法

凡用弓矢。近中易。遠中難。近則力強。遠則力弱。

所以夷虜之箭必近發必奇中而中國反是謂
宜今後習射不用張鵠日以三尺許長小棍置
地四十步內射之射到矢矢中棍射賊必無虛
發矣

攢射法

安人形把三箇顏色各異用聲音響亮一人執
一紅旗任其所指無不中者蓋虜賊中有領衆
頭目只射殺頭目一人衆虜自然敗走矣此擒
賊擒王之法也

周臺公曰軍中威望莫重摧標一將見擒三
軍之膽盡寒矣守城合戰俱宜如此

練方向

總引

凡旗幟製八方則色雜而衆目難辨如以東南
西北為名則愚民一時迷失方向即難認矣惟
左右前後屬人之一身凡面所向謂之前則用
紅旗即方為南行為火火之色屬紅神為朱雀
卦為離凡面所背謂之後則用黑旗即方為北

行為水。水之色屬黑。神為玄武。卦為坎。凡左手所指謂之左。則用青旗。即方為東。行為木。木之色屬青。神為青龍。卦為震。凡右手所指謂之右。則用白旗。即方為西。行為金。金之色屬白。神為白虎。卦為兌。凡脚下所立謂之中央。則用黃旗。即方為中。行為土。土之色屬黃。神為勾陳。卦為太極。凡人一身皆有左手右手。前面背後中央。此人人可曉。若舉點黃旗。則是中軍。欲變動。聽號令施行。若舉紅旗。則是前營兵。欲變動。聽號

令施行若舉黑旗則是後營兵欲變動聽號令施行若舉青旗則是左營兵欲變動聽號令施行若舉白旗則是右營兵欲變動聽號令施行但舉某方旗俱要向某方看但舉黃旗四面俱要向中看若見五方旗俱舉各營四方各照本方向外執立聽號令施行凡旗點向何方隨其所點向往旂不定不止旗不伏不坐善哉孫武子教宮嬪曰汝知而左右手心背乎嗚呼此教戰之指南也

練耳專聽金鼓練目專視旌旗

總論

周臺公曰五兵之為用多矣然古人行師第曰祭旂曰釁鼓者何也蓋以金鼓旌旗乃一軍之耳目尤為喫緊耳若金之不退鼓之不進麾之而不從移指之而不從死雖有百萬何濟于用哉所以威將軍南塘分付軍士云你們耳只聽金鼓如擂鼓該進就是前面有水有火也要去如鳴金該退就是前面有金山銀山也要依令

退向你們的目。日間只看旂幟。夜裡只看高照。雙燈如某色旂。豎起點動。便是某營兵。收拾聽候號頭行營出戰。不許聽人口說的言語。擅起擅動。若旂幟不動。就是主將口說要如何。也不許依從。就是天神來口說要如何。也不許依從。肯是這等大家共作一箇眼。共作一箇耳。共作一箇心。有何賊不可殺。何功不可立。

練心

總論

周臺公曰。勝敗無異術也。士卒之心。畏敵甚于
畏將。卽敗士卒之心。畏將甚于畏敵。卽勝。欲其
畏將。亦無異術也。千金之賞。懸之于先。猛虎之
威。迫之于後。雖驅市人。可以戰矣。古之善用兵
者。揮金如揮土。殺人如殺草。綽有至意。只如今
日。銖兩以爲賞。鞭貫以爲威。欲其畏我。侮敵。以
講練心之術也。難以企矣。

李小有曰。練之爲法多矣。此外次教手。使屈
伸便利。提挈敏急。次教足。使進退合宜。往來

迅疾又教之抵對令贊喏整肅趨驟趨捷教
之裝束使褱幘佩結器仗倫序又使出入坐
起尊卑大小不相踰越而示之禮衣食寢臥
順時調息不傷寒暑而為之制陣而方之坐
而起之行而止之左而右之別而合之聚而
分之固不一而足也但最要最急者在于三
官不繆而已故自耳目心志而外並不煩贅

金湯借箸卷之四終



